

JANGELAKO ARAUDIA

1. JANGELA ERABILTZEN DUENAREN ESKUBIDEAK

1. Ikasleak jangelako zerbitzua higiene-egoera egokian hartzeko eskubidea du.
2. Ikaskide, begirale nahiz jangelako langileen aldetik errespetuzko trataera hartzeko eskubidea.
3. Egun bakoitzeko menua aldez aurretik ezagutzekoa, eta berau hobetzeari buruzko iritzia emateko eskubidea.

2. JANGELA ERABILTZEN DUENAREN BETEBEHARRAK

1. Jangela-garaian ere, Institutuko Elkarbizitzarako Araudia errespetatuko du.
2. Jangelako kide guztiak, ikaskide, begirale, nahiz jangelako langileak, errespetuz tratatuko ditu.
3. Jangelara higiene-egoera onean joan behar du, eskuak, arropak eta oinetakoak, besteak beste, garbi dituela.
4. Jangelako zerbitzua zuzen erabiltzeko dauden arauak errespetatu behar ditu.
5. Jardunbide arrunta aldarazten duen edozein alderdi(ordainketak, ikastetxetik irtetea, menu berezia, botikak hartu beharra...) aldez aurretik jangelako arduradunari adieraziko dio (familiak).
6. Bazkaltiar guztiei, denetatik jatera gonbidatuko zaie egunero. Jangelako arduradunak gutxienez plater bakoitzeko erdia jan dezaten ahaleginak egingo ditu. Jaten ez duten kasuetan, familiari Inikaz abisatuko zaie.

3. INSTITUTUKO JANGELA ERABILTZEKO ARAUDIA

1. Jangelara sartzea, txandaka egingo da: Lehendabizi 1. maila, gero, 2.a, ondoren, 3.a eta, azkenik, 4.a.
2. Bakoitzak bere erretilua bere eserlekuan aurkituko du. Dieta berezia dutenek (alergikoek...), taulan dagoen zerrenda begiratu ondoren, banan-banan hartuko dute bere janari erretilua mostradoretik, ongi dagoela ziurtatu eta bere mahaira joango dira.
3. Mahaian dauden bitartean, ondo eserita, lasai hitz eginez, builarik egin gabe, eta mahaian edo erretiluan kolperik eman gabe egon beharko dute.
4. Jatorduan, kontuz erabiliko dira jakiak, ez mahaira, ez lurrera erori ez daitezen; hala gertatuz gero, bota duenak jasoko du eroritakoa.
5. Mahaitik altxatzea, eta mahaikoa jaso eta dagokion tokian uztea, jangelako arduradunak edo zaintzaileak agintzen duenean egingo da. Jangelan sartzeko erabili den ordena berean egingo da, inor bultza gabe eta ilara errespetatuz. Inor ez da altxatuko jangelako arduradunak edo zaintzaileak agindu bitartean.
6. Bazkaltiar guztiek jasoko dituzte erabili dituzten tresnak (edalontziak, ezpain-zapiak, erretiluak, etab.).
7. Ezingo da janaririk edo edaririk sartu jangelan, ezta handik atera ere.
8. **Gurasoen baimen** idatzia ekarri ezean edo Inikaz abisatu ezean (bi kasuetan aldez aurretik), edo arduradunak baimena eman gabe, **ezingo da inor eskola-barrutitik irten**.
9. Bazkaltzen ari diren bitartean, ezin da altxa bere eserlekutik.

4. HUTSEGITEAK

a) HUTSEGITE ARINAK

1. Jangelako materiala (basoak, koilarak eta beste tresnak) ongi ez erabiltzeagatik hondatzea, edo mahaiari kolpeak ematea.
2. Janaria era desegokian erabiltzea: lurrera edo mahai gainera nahita botatzea, urarekin jolasean ibiltzea, ogia elkarri botatzea, e.a.
3. Jangelako jardun normala arin oztopatzea: sartzeko edo irteteko txanda ez errespetatzea, arduradunaren agindurik gabe mahaitik altxatzea, ilaran daudenean bultzaka ibiltzea, e.a.
4. Beste bazkaltiarren tresnak nahita zikintzea.
5. Jangelan jarrera desegoki bat mantentzea (garrasi egin, irainak, eta abar).
6. Beste bazkaltiar bati janaria kentzea.

b) HUTSEGITE LARRIAK

1. Jangelako kideak -ikaskideak, sukaldariak, begiraleak edo jangela-arduraduna- larri iraintzea edo mehatxatzea.
2. Edozein kide jotzea edo beste batek norbait jo dezan eragitea.
3. Jangelako materiala larri hondatzea, edo gaizki erabiltzeagatik egoera larria sortzea.
4. Besteen gauzak ebastea: janaria, eskola-materiala edo dirua.
5. Jangelaren arduradunak, sukaldariak edo begiraleak emandako aginduak ez betetzea.
6. Baimenik gabe eskola-barrutitik irtetea.
7. Jangelatik janaria ateratzea.
8. Jolastokian besteek ere jolas egin dezaten eragozteak.
9. Hutsegite arinen metatzeak (hiru) hutsegite larri baten bilakatzen da.

c) HUTSEGITE OSO LARRIAK

1. Aldez aurretik prestaturiko edota talde batek burututako hutsegite larria.
2. Institutuko AJAn oso larritzat hartzen diren hutsegiteak.
3. Hutsegite larrien metatzeak (hiru) hutsegite oso larri baten bilakatzen da.

d) HUTSEGITEEN AURREAN BETE BEHARREKO NEURRI ZUZENTZAILEAK

1. Hondatutako materiala, kasu guztietan, hutsegitea egin dutenek ordaindu, konpondu edo berria jarri beharko dute.
2. Hutsegitea arina denean, arduradunak Inikan parte arin bat idatziko du. Parte honek Institutuko Araudiko arau haustearen tratamendu berbera izango du. Era berean, familiari gogora arazten zaio jangelako zerbitzua ez dela derrigorrezkoa.
3. Honetaz gain, behar izatekotan, bestelako neurri zuzentzailearen bat aplikatu ahalko da.
4. Hutsegitea larria denean, jangelako arduradunak Zuzendaritzari eta Jangela Batzordeari emango dio hutsegitearen berri. Honek, ikasleari eta gurasoei jakinarazi ondoren, ikasle hori hiru edo bost egunez jangela-zerbitzurik gabe uztea erabakiko du, hutsegitearen larritasunaren arabera.
5. Hutsegitea oso larria denean, Institutuko Elkarbizitza-Batzordeari jakinaraziko zaio Jangela batzordeaz gain. Batzorde honek, ikaslearekin eta gurasoekin hitz egin ondoren, ikaslea ikasturte-amaiera arte jangela-zerbitzurik gabe uztea erabaki lezake.
6. Zenbait hutsegite arinen aurrean hartuko diren neurri zuzentzaileak:

Bakoitzak bazkaldu ondoren eta altxatu aurretik, bere mahaia eta inguruko lurra txukun dagoela ziurtatu beharko du. Hala ez balitz, berehala garbituko dute mahaikide guztien artean. Zikin (mahai azpia janariz edo ogi zatiz beteta) uzten badute. Hurrengo egunean mahai horretako bazkaltiarrek ez dute ogirik izango.

Bazkaltiar bat bere tokira iristen denean, aurretik norbaitek ogia kendu badio eta ez bada azaltzen, hurrengo egunean mahai osoak ez du ogirik izango.

Z5. ZORRAK

1. Ikasle batek zorrak dituenean, jangelako arduradunak bere gurasoei jakinaraziko die eta konponbidera nolabait iristeko bidea eskainiko zaie haiei.
2. Jakinarazpenaren ondoren, zorrak irauten badu 15 egunetan zehar, jangelako arduradunak jangela batzordea bilduko du eta, egoeraren aurrean, batzordeak ikaslea jangelako zerbitzutik egoztea erabaki dezake.
3. Ikasle batek zorrarekin amaitzen badu ikasturtea eta hurrengo ikasturtea hasi aurretik ez badu zorra kitatu, ezin izango du zerbitzu hori erabili hurrengo ikasturtean.